



Ya pulakena elongelokalunga

## ESIKU 1 MAI 88

### Namibia lya galikanenwa

Omathele nomathele oga ngundumanene megalikano mOshakati muMai 1,1988. Iilyo yOongeleki adhihe mOwambo, pamwe naasita yadho, osho wo omaitaalo agehe taga longo mOwambo naawiliki yago. Kapwa li ngoka ta tongolola eitaalo lyaandjawa. Oya li ye na ompumbwe yimwe ayike: **Namibia momahepeko.**

“Otwa lyatelwa pevi omutenya nuusiku. Omatokolo omolwoshilongo shetu, ohaga ningwa pwaa na ngoka te tu pulakene,” osho ya galikana muukumwe nomegundjilo.

- Mai 1, 1988: Esiku lyaaniilonga  
= Mai 1, 1988: Esiku lyegalikano

### Namibia lya dhimbulu kiwa muMai

#### muuyuni wopondje



Namibia melongelokalunga lyuukumwe mOshakati. Aantu 900 nenge 1000 oya tengenekwa ya li melongelokalunga ndyoka

# CASSINGA: SIKU AAKWIITA YA SA YI ILE MO

Osha li Etine koshiwike, 4.5.1978. Osoondaha yElondo lyOmukulili. MoCassinga okamba yaafadhuki po muumbangalantu waAngola, Aanamibia oya li yi ipyakidhila niinakugwanithwa yawo ngaashi shito. Oya li taa yogo oonguwo dhawo, taa longekitha omwiha, yamwe ye li kongeleka komambo nayamwe otaa lesa omambo gawo.

Oya fadhuka po omahepeko gaSouth Africa moshilongo shawo noyu uvite ye li ngaashingeyi megameno. Ohaluka omadhagadhaga otagi inyenge kombanda yomitse dhawo. Otaga helula aakwiita aadhipagi 200.

Aalangeli yokamba oya tonwa mbala oonkondo, aakwiita ya SA otaa umbu, taa yaha taa yaha, e taa dhipaga 612 poshikando. Omwaalu ngoka gwa ndhindhilikwa moshidhipagelo shoka aalumentu 147, inaa homata iikondjitho, aakiintu 167 nuunona 298. Ngiika oyendji ye vule 100 oya sila miihwa inaa yalulwa.

Aantu oyendji oya yahwa ya pilamena ko. Moshidhipagelo shoka, kutya aakwiita yaSWAPO 12 ayeke ya sile mo, euliko lya yela, kutya okamba oya li shili yaafadhukipo, kayi shi yaakwiita ngaashi SA ha ti.

Oontauki 611 odha li dha ehamekelwa moshiponokela shoka. SA okwa thigi ko oondjila e dhi tega ooboma, opo ekwatho lyopaunamiti ndyoka li na ando okulandula ko, li dhi ka lithwe.

Aanamibia 200 okwa zile ko nayo oonkwatwa dhiita, e te ya holeke mokamba ye koKeikamamachab, popepi naMariental. Aantu mbaka oya ka manguluka konima yomimvo heyali, sho aawilikingeleki yoongeleki dhaaluudhe ndatu moshilongo ya fala oshipotha shemanguluko mohofa medhina lyaakwazimo yoonkwatwa.

Oshiponokela shedhipago sha tya ngeyi muumbugantu waAngola, SA okwe shi luku "Operation Reindeer." Oshiponokela shoka oshimwe shoyindji SA e yi ningi okudhima po oshiwana shaNamibia muupongekwa. Esiku eti.4.5 mondjokonona yoshigwana shaNamibia nomekondjo lyasho, unene mookamba shawo muAngola naZambia, Cassinga esiku lyo-

luhodhi oludhigu.

## Omimvo dhetindo lyuukoloni nomimvo dhoku u thiminikilwa

Uupika woshigwana shaNamibia okukala koho yoonkondo dhaakwiilongo, owa zi oomvula 100 ngaashingeyi dha piti. Ndwishilanda okwe shi lala 1884. Okuza mpoka iinima yaa shi yopantu oya ningilwa oshigwana shika. Nonando oshigwana osha kala nokutinda okuya koho yondjoko yomutondi, osha thindilwa naanaa kongudhi yomahepeko.

Pomathelemumvo 19, aatumwa naahalithi oya thiki muNamibia, nolwahugunina omatanga gaakwiita oga tumwa okulala evi li ninge lyomukesali gwaNdowishilanda. Evi etoye lyoofaalama pokati koshilongo, olya topelelwa po aazaazayi.

Omumvo 1903, Aaherero nAanama oya thikama ya gamene oshipambu oshikwawo shevi shono sha li shi na okukuthwa ko natango. Ndjayi Von Trotha gwaNdowishilanda, okwa gandja elombwelo lyokudhima po kehe ngoka ta yi ompangela yaatiligane moshipala.

Opo pwa zile oopelesenda 75 dhAaherero dhi sile kenota mombuga nenge dha dhipagwa nowino. Omwaalu gwAanama ogwa fupipikwa sigo ometata lyoshigwana. Omwaalu aguhe otagu tengenekwa 80,000 mboka ya sile miita mbyoka yotango.

Ngaashi sha ningwa moCassinga, osho Aanamibia oya kala taa dhipagwa sho taa kutha omatati okukondjitha omathiminiko. Konima yiita yotango yuuyuni, Aandowishi sho ya kanitha okoloni ndjoka, evi olya tulwa koho yeledo lya lukwa; "Einekelelwo eyapuki lyopaputuko," (sacred trust civilisation) mOngonga yUuyuni (League of Nations.)

Oshigwana shaNamibia osha kala sha tongolola nonteni nkene Britania ta gandjapo elelo lyevi ndika miikaha ya SA. Okuza ashike petameko SA ina dhangilila ko nando, okukambadhala a papekidhe evi ndika ku South Africa, li ninge oshitopolwa oshitato. Muule womimvo 1920 sigo 1950 tadhi lukwa; omimvo omiludhe (Black years) etindo kehe lyaavalelwamo, olya li lya hulithwa po nonyanya kaapolosi.

Omuhoko ngoka gwa tindi okufuta egwedhelo lyotakisa, ogwa li gu na okudhimwa po koondhila dha SA. Aaluudhe oya undulilwa miilonga yoofaalama, yoombautu mefuta noyoomina.

Momulandu ngoka gwethiminiko lyaaniilonga, uundjambi owa futwa wanathangwa naangoka a nyenyeta nenge e etha iilonga, okwa landulwa shili, e ta dhengelwa okusa kaahona yiilonga.

Omumvo 1949, omo omukwaniilwa Hosea Kutako, gwaHerero a nyola ombilive mAnamibia opo a pule ligwanahangano (UN) yi hulithe po elelo lya SA muNamibia. SA okwa tsikile owala okuthiminika Aaluudhe ya ze momagumbo gawo nomoofaalama dhawo, opo omahala ngoka ga langekwe po Aatiligane mboka ya li taa indjipala noshilongo.

Omumvo 1959, epangelo olya tokola okute-mbudha olukanda lwAaluudhe mOvenduka, pehala lyalwo, opo ya tungilwe omahala gopamihoko noya kale kokule nodoolopa yaatiligane ookilometa hetatu.

Aaluudhe etokolo ndyoka oye li kondjitha nomukalo gwombili, ihe eti 10.12.1959, aapolosi oya kutha oondjembo e taa ukitha moshipotha shombili shaakiintu moka ya dhipagele aakiintu 13 noyendji ye vule ethele li we ye ehamekwa.

Omumvo 1960, Ehangano lya SWAPO olya holoka. SA ngoka a tokola okukala muNamibia, okwa eta omulandu gwomatopagulo gomihoko nokwa dhike emavigumbo moshilongo. Uutoye auhe wevi owa gamekwa kAatiligane.

Aantu oya tameke okuyelelwa kelongitho lyoonkondo ndyoka SA te li ningi nowino okulyatela uuthemba wOmuludhe pevi. Omumvo 1966, omo ligwanahangano ya tokola nomawi ogendji okuhulitha po elelo lya SA muNamibia.

Sho pwa dhimbululwa kutya nani SA kee na ehalo okuza mo muNamibia ngeyi, aakwiita yaSWAPO oya yi naye molugodhi kOngulumbashe, mUukwaluudhi 26.8.1966 nopo ihe pwa zi iita yaSWAPO na SA sigo onena. Oonkwatwa dhotango dhopapolotika odha ka pongekwa kontuntu yaRobben, ku SA.

Okuza mpoka SA okwa koleke ashike omatanga ge giita moshilongo. Ngashingeyi oopelesenda 80% dhoshigwana odhi li koho yomatanga gaakwiita. Konyala aalumentu 100,000 oye li miita ya SA taa gamenene po epangelo lyoshitiligane.

Moshilongo shaantu 1,300,000 ayeke, ngaashi muNamibia, otashi ti omwaalu gwaakwiita ye thike mpoka, okangundu kehe kaantu 12, oke li nale metonatelo lyomukwiita gumwe. Noshitopolwa ngaashi shika shokuumbangala ntu, eyelekanitho ndyoka oli li natango pomba-



Namibia uuthiga wetu notwa thiminikwa tu u kondjele, ngaashi Nabot. Itatu ka mona nando omuyengeli e tu kondjele peha lyetu. Ashike monkalo yetu, Jesus omo e li ta gandja ombili, osho omusita Ananias liita omuuvithili gwelongelokalunga a tumbula esiku ndyoka.

# EITAVELO TALI TWALA MEULU OHALI DI MUJESUS AMUKE

**Omitima deni inadi nyika oluhodi, itaveleni Kalunga nye mu itavele nge yo..... Itaveleni nge nokutya Ame ondi li muTate, naTate oku li muame. Ndele ngeenge mwa anya, itaveleni nge omolwoilonga yoovene.**

Oshilonga ashishe shaJesus osho she mu etifa mounyuni, osho okupendulila ounyuni eitavelo. Elalakano laJohannes mokuhokolola oilonga yaJesus, otali ulike okwiitavela ku na omwenyo waalushe medina laye.

Oshitya eitavelo nokwiitavela nomwenyo waa-lushe mEvaengeli eli, otashi holoka mo lwomilongo dihapu, shi dule mOmaevaengeli makwao. Opena yaJohannes ngee mOmaepistoli, otai holola **eitavelo tali findi ounyuni.**

Meendjovo edi, Jesus ota lekele ovahongwa vaye noku va findila meitavelo olo hali te po oumbada netilo, osho yo oluhodi. Oshitya oluhodi osha hala okutya okutula ..... Jesus ota takele momitima dovahongwa eitavelo, olo la kala alushe oshihongwa shinene mokukala kwavo.

Eitavelo eli oli na okukala li na etimhambwile la pama, omolwomaudanekolombwelo aJesus. a) Jesus ota i a ka longekidile eongalo laye eenhele. b) Ota aluka a ile eongalo laye. Omalombwelo aa, oo taa kala ekoleko leitavelo neteelelo lovaitaveli aveshe mounyuni aushe nomomafimbo aeshe.

Jesus mokuhonga ovahongwa vaye, okwe shi yelifa kalupu, kutya ye ota ka shuna kuXe, oluhapu nopeenhele dihapu a holola okushuna apa a li nale. Ope na okafimbo kaxupi, ounyuni itau mono nge .... Hano Jesus eshi ta tongo meendjovo edi, osho eendululo laasho a popya luhapu.

Otashi kumwifa ovahongwa ava vavali eshi va na omapulo, va fa opo tava pwilikine Jesus lwotete. Tomas ota pula apa tapa i Jesus nondjila vati ke i shii nokuli. Itashi limbilike unene kombinga yaTomas, osheshi oye ou e na eemhata, luhapu oha shekuna eitavelo.

Ou Filippus ota pula, a ulikilwe Xe yaJesus, opo nee a kale a wanenwa. Filippus oye ngaho ou a ifanenwe kuJesus a tiwa shikule nge, naashi e uya puJesus, okwa ka ifana Natanael, eshi a ty: Fye otwa mona ou a shangwa kuMoses mOmhangano nokovaprofeti, Jesus Omona waJosef womuNasaret. Paife Filippus ke shii vali Xe yaau a popiwa mOmhangano nomovaxunganekei.

Momapulo ovalumenhu ava vavali va kala efimbo puJesus, ohatu mono mo sha yela kutya, nande otu kale meitavelo fimbo tu li mounyuni omu, omutondi weitavelo letu oye omalimbililo. Vahapu ngee va kwatwa komalimbililo, oha va kanifa omukangha weitavelo, omolwaasho meendjovo edi Jesus ote tu lombwele: "Omitima deni inadi tila, itaveleni ....."

Jesus okwa nyamukula omapulo ovahongwa, nomanyamukulo aye okwa pama. Oo ehongo lohilili nolaalushe. Jesus oye mwenemwene **ondjila noshili nomwenyo.** Okuya kwaye kuXe panyamukulo eli, otaku ti okwo okuni-

ngila ovahongwa novaitaveli ondjila. Jesus okwa popya ponhele imwe ta ti:

"Okuya ko kwange okwe mu wapalela." Ota i ko opo a ka tume Omupopili, Omhepo yoshili oyo eongalo le i pumbwa, Omhepo omuhekeleki momaluhodi nomunyatipaleki momaumba-da. Omhepo oyo tai kufa eitavelo letu omalimbililo nafye yo otwe mu pumbwa.

Ou a shiiva nokwa koneka Jesus, kutya oye shili Omona waKalunga, ngaashi Petrus a hepaulula. "Omwene, otu ye kulyelye ngeno, ove u na eendjovo domwenyo waalushe. Ndele fye otwa itavela ndele tu shi shii, oove omuyapuki waKalunga." Ou e na eitavelo neshiivo eli, oye yo a mona nokwa shiiva Kalunga Xe, osheshi Jesus voo naXe ove li umwe.

Okuhashiiva Xe kwaFilippus, okwa holola yo kutya mboli naJesus okwa kala e he mu shii, nande e mu lombwela Natanael. Onghee Jesus ota yelifa kutya eendjovo adishe odo ta popi mounyuni oda dja kuXe. Kalunga oye ta popi mOmona, ndele ota longo oilonga yaye mounyuni aushe omolwaJesus Kristus. Kalunga mounyuni

Jesus ota pula nonena ngaashi a pula movaho-

## Nonkango daKarunga ngapi omu dina kuta nta kweyi youzuni?

**Ado kuna kutanta asi ogu ga hara ku likwata ukwawo nouzuni, ogo nkore zaKarunga ga kara Jak.4:4. Kulikwata ukwawo nouzuni yisi? Elimbururo peni noge lina kara pomuhowo gazara asi: Hompa Jesus yisinke gamu tuminine Karunga?**

Nare ono gwana elimbururo asi, age kwa mu tumine asi aya zowore vantu. A va zowore kosinke? A va zowore kononzo. Kwalye va zonene? Awo kwa zonene kwa KARUNGA. Eyi va zonene kwaKarunga yisi? Eyi va zonene yeyi yina kukwamako.

- Owo kwa paparere karunga gopeke (yikarunga).
- Owo kwa linenepekere kupitakana omu gava harerere Karunga ogu ga va unga.
- Awo kwa litulire moruhonda rozanyi.
- Awo kwa litulire moyirugana nayinye yoyidona eyi ya nyenga Karunga.

Apa natu yi divira asi yangesi Karunga kwa yi nyenga papa asi, Karunga kwa dika epangero lyendi nonoveta (10) murongo Ex.201-7 NDI

**JOH. 14:1-11**



ngwa, ta pula eitavelo lohilili olo li he na oihelele, omalimingifo ile omalimbililo. Eitavelo eli olo okwiitavela oukumwe wavo naXe. Eitavelo eli hali lidilulula nge la nyona nohali hepaulula omatimba, hali livele ombedi nohali lialuluka ngolaPetrus, olo ondjila yoshili yokuya meulu, oyo aike ti.

Jesus eshi a longo oilonganghono a kutifa ova-findjala, a ta mo eemhepo, a nyumuna ovafi, oilonga ei okwe i longa okwiitavelifa ounyuni, osheshi ounyuni ohau nyengwa okwiitavela Kalunga. Nafye luhapu otwa kwatwa komalimbililo meitavelo letu. Litala ove mwene meitavelo loye, luhapu omalimbililo okwe ku kufa mondjila yeitavelo nowa longa osho tashi tondifa Kalunga.

Luhapu eshi u na omapulo oye, omolwokulimbililwa, owa ka pula apa itape ku dile ouyelele, wa ka pula yo kwaava navo va kanifa eitavelo, onghee luhapu wa punduka nowa wila mou-lunde.

Omunelao oye ou ta yukifa omapulo aye kuJesus, Jesus ou ta yandje omanyamukulo oo taa pameke vali eitavelo loye, opo u ende nondjila ei, ove u fike kefikilo, komwenyo waalushe.

**Natanael Shinana**

## ngapi omu dina kuta

**TARA NOVETA MURONGO.** Tara mo-Katekisa koKanunu meganauno lyomuhowo. Karunga kwa tulilirepo noveta edi murongo morwa yeeyi uzuni mudima kwa kere mepangero lyomuzonaguli siruwo sosire unene.

Morwaso Karunga ana turapo yipango (noveta) 10 yi po tu lirongerepo nonkedi dendi, charo lyendi. Ano muntu (vantu) ava ava dili kusikisamo ndi kutanguruka yipango yaKarunga, vangoso kwa likwata ukwawo nouzuni.

Ano ava ava sikisamo yipango yaKarunga, vangoso kwa kara melikwatakano naKarunga mutatugumwe. Morwa moukaro wangoso, yimo ngatu parukira nose vapagani, ose muhoko ogu ga dilire kuhorowora Karunga ngamoomu ga yi tente mwene Karunga asi: Vantu ava va dilire kukara muhoko gwange ngani va tumbura asi muhoko gwange. vaRoma 9:25-26.

Ove muresi gekuto kweyi ono ku resa ove nyamoge kupi ono yi hama, ngapi omu o lipura mokuheteka noyirugana yoge asi ove omusikimo gonoveta daKarunga, ndi omusikimo gweyi youzuni?

Tala kep. 12

# ESIKU AADHIPAGI YI ILE

## Dha za kep. 2

nda.

Oongeleki meni lyoshilongo nomahangano gaaniilonga, oga kwatele komeho okukondjitha uukoloni. Omumvo 1971, ompungu yuuyuni, oya utha elelo lya SA li talike ko li li pondje yoveta muNamibia.

Opo wo pethimbo ndyoka aawilikingeleki yOongeleki oonkwaLuther moshilongo ya nyolele Johannes Vorster, oministeli yotango ya SA ethimbo ndiyaka, ombilive ye eguluka, moka mwa pangulwa okatongotongo nomukalo gwa SA sho ta tindi omalombwelo guuyuni.

Oshipotha shaaniilonga 20,000 moshilongo ashihe omumvo 1971, osha li sha ndjinga-ndjinga omukanka gwomahupilo gaauninginino kumwe na SA e tagu inyenge nayi. Natango oonkantu dhomathiminiko odha li dha hanyekwa mokutala omayovi ogendji moonholongo nomokukoleka etanga lyopolosi moshilongo.

MuJuni 1985, SA okwa kambadhala ishewe okwiikuthila oonkondo mokulangeka epangelo lyopokati mOvenduka. Epangelo ndika olye ekelwahi kOongeleki nokomahangano gamwe gopapolitika.

### Edhiko lyoveta yokangendjo etsikilo lyoveta R17

Oonkondo dhuukoloni odha nkundipaleke onkalamwenyo yoshigwana, unene kuumbangalantu woshilongo. Aaluumentu konyala ayehe oya li ya thiminikwa konkalo okuthiga po omagumbo gawo nokuya mUushimba ethimbo ele okukonga iilonga. Aakulukadhi, aanona naakulupe oya thigwa po yaa li metonatelo lyasha. Aakwaniilwa nomalenga oya longithwa kAatiligane kombumbo yomakaya nosuuka, okukondjitha iilyo ya SWAPO ngoka a tokola okukondjela emanguluko lyoshilongo. Okuza 1971, oshitopolwa shOwambo osha kala koki

yoveta R17 yondjindikila yiigongi ndjoka ya gandja oonkondo komupolosi kehe okukwata kehe ngoka te mu limbililwa.

Okuza petamekolela SWAPO okwa kala naaland'uli mboka ya mono eputuko ewanawa noyo mboka ya gwilwa mbala komahepeko ngaashi; aalongi; aapangi; aasita yomagongalo, aanangeshefa naakwanepangelo yamwe.

Oyendji yomaahepekwa mboka oyo ya taagulukana ongamba yaAngola ya ka holame omahepeko nomadhipago omolwompito ndjoka ye eguluka epangelo lyaPutu sho lya gu ko koshipundi.

Omumvo 1986, muNovomba, aambisofi yOongeleki ; yaAnglikana, yaKatoolika nOongeleki onkwaEvangelii paLuther, oya fala mohofa oshipotha shoveta yokangendjo yi se po, ndjoka ya li ya pingene oveta R17 omumvo 1978. Okuza ethimbo ndyoka aantu yomathele mOwambo oya kanitha oomwenyo aniwa metaagulukana lyoveta ndjoka nenge ye ehamekwa.

Oveta yokangendjo oya longo pamwe netanga lyoKoevoeta ndyoka lya tamekele niilonga 1979. Aakwashigwana oyendji momikunda oya kotokelwa kulyo noya dhipagwa medhina lyaSWAPO.

### Iilongo yuuninginino oya longo pamwe na SA momahepeko

Uuyuni auhe owa tseye Namibia evi enene li vule Britania lutatu, evi uuyamba walyo kupula, ihe aakalimo aashonashona yowala. Mekondjo lyaSWAPO, okugamena uuyamba mboka, Oraata yaNamibia kligwanahangano, oya dhike oveta "Decree No.1" omumvo 1974 ndjoka tayi indike okukutha omaliko goshilongo noku ke ga halitha muuyuni, manga oshilongo inaashi mangulukana.

Britania ngoka a gandjele evi ku SA, noye wo hi ikutha mo olwindji momatokolo giigwanahangano ngele taga ningwa kombinga yaNamibia, changano lye enene olyo tali fulu sigo onena

omina yaurana, ndjoka yi li ehukumugongo lyeliko lyoshilongo shika, moRossinga.

Omahangano omakwawo gaBritania nago taga longo muNamibia ngaashi; BP na Shell, Guinness Pilkington Glass; British Oxygen nomakwawo. Iimaliwa yotakisa mehangano lyaRossinga 1986 oya li oomiliyona R 44 lwaampoka noya yambulapo iilonga yiita ya SA okuthiminika oshigwana shika.

Ndowishilanda naye ina ya natango kokule naNamibia nanando pwa piti ngaashingeyi omimvo 75 sho elelo lye lya hulithwa po mpaka. Ehangano lye lyopapangelo; Urangesellschaft, oli na oshitopolwa shoopresenda ntano (5%) momina yaRossinga.

Ombaanga onene yaDresdner muNdowishilanda nayo oya dhika oshitayi shayo muNamibia 1973 ndjoka ya dhikitha ngaashingeyi ombaanga ya SWA. Iilonga iikwawo ngaashi; Amerika, Canada, Japan, naFulanisa nayo osho tayi longo mevi ndika nokufala omaliko kaandjawa.

Kombinga yomatati, nako SA okwa mona eyambidhidho enene kiilongo mbyoka, opo a yule okuthiminika nawa Aanamibia. Ekanona G6 ndyoka a longo ye mwene nokwe li longitha miita ye naAngola muDesemba 87 naMaalitsa 88, ka li ta vulu oku li vuta ngele andola hakekwatho lyomahangano gaAmerika. Ekanona ndyoka otali umbu oshinano shookilometa 40.

Pethimbo ndika otaku hokololwa natango, kutya SA okwa hiya oonkulungu dhoku-

Tala kepardja tali landula

## Diinina oshipewa shoye

Ohandi yandje olupandu netwomukumo kokadona Otilie T.Shilongo, komomukunda Oshiteyatemo, Okalongo eongalo Olyavaenge. Momudo 1980 omo a yapullilwa oukongindjila mongeleki yaShikuku. Okwa kala omuponhelewiliki woukongindjila meongalo lavo. Okwa hoololwa opo a ninge omuwiliki wehangano lo C.L.G.

Okwa kala ta longo shili nelama mokati kongudu yovanhu oyo a kala ta wilike, Okwa kala ha talele po yoo omaongalo pamwe nongudu yaye osho yoo okuya pamwe noilyo yehangano laye koyoongalele. Oilyo yehangano lo C.L.G. pEangedjo oya li yoo ye mu linekela neenghono.

Odula 1987 oyo ya li odula yaye yaxuuninwa pOsekundofikola opo, nokwa lekela ehanganano laye nombili. Omushamane tate S.Haimbili okwa hokolola ouwa womikalo daOtilie kofikola yopedu fiyo okoSekundofikola.

Otilie kakadona kange, diinina osho we shi pewa u shi longe paenghono dOmwene. Osheshi shi valula shi na ondjabi. Ino dimbwa Omwene mwaasho to shi ningi osheshi ote ku kwafa monghalamwenyo yoye aisho.

Eindilo lange oleli, kutya nomodula ei yomilongo 88, kedabala opo u talele po omaongalo onhumba unene tuu opo pe na oilyo yehangano C.L.G. olo wa kala ho wilike. Otashi ka kala ehafo kufye ngee twa udu we shi wanifa. Otu shi shii paife ou li kokule nafye ndee kendabala ngoo.

Omwene Kalunga koukwatatu opo e li. Efimbo keshe otwe ku humbata momailikano. Tandavelifa hano evaengeli lOmwene. Diinina oshipewa shoye.

Umwe womovalielongalo (Olyavahenge)



Tu diinineni eilikano momahepeko etu, osho shi li momaudaneko Omwene Jer. 33:3, osho omufita Kandume kwa li ta ingidile ovakali melongelokalunga

# MOONDJOKANA DHOSHIYAFRIKA OMWA LI WO NETILOKALUNGA

**"Onke ano omulumentu e na okuthiga po he nayina nokwiimangeleka komukiintu gwe, nayo mbaka yaali otaa ningi onyama yimwe." (Mat.19:5)**

Etumbulo ndika olya kala tali inyenge momadhiladhilo gookuku nootatekulu yonale, nonando yoyene oye shi ningi mokwaa shi sha. Petamekolela Aawambo oya li ya tseyo kutya ondjokana oya dhikwa kuKalunga mwene, oshoka ohaa tumbula ngeyi; "Ondjokana oyayaali, omutitatu ote yi yono."

Paku shi gwanitha aalumentu naakiintu Aawambo oya li ya tondo oshipango "INO HONDELA" noya dhiginine shili okuputudhila omaluvalo gawo aamati naakadhona muuyuuki nomuuyapuki, metilokalunga kaNangombe nomesimaneko lyaakuluntu. Aagundjuka oya li ya putudhwa sigo opomuthika gwokuya moondjokana dhawo. Aakiintu taa fukalekwa manga kombinga yimwe aalumentu taa piti etanda.

Aalumentu oyo tuu mboka oya li ya si oshipwiyu opo omaluvalo gawo ga hokanwe noga hokane aantu ya putudhikika, ye li paitaalo lyopashigwana shawo, okuvulika, okulonga omapyo, okudhika omagumbo, okudhiginina iimuna nokusimaneka aakuluntu, oshipango oshitine.

Owa ndhindhilike wo tuu kutya nani nayo oya kala niipango? Onkene miinima ya tya ngawo oya li haa vulu okuyamukula oyana ya kongwa nenge ya kongo aayalekwa yawo kutya; shuna mo ishewe, ino konga, nenge ye mu pe efano lyontumba mpoka ta vulu okuuka. Pankatu ndjika Kalunga okwa li ta ende pamwe nayo mombepo nomoshili. Ombepo yaa nuufudhime niifundja.

Oya li ya tsa kumwe nOmbimbeli mokutonda onyalo. OONGOKA INAA HALA OKULONGA INA LYA." (Tes.3:10) Yoyene oya li

aayuuki lela ye na uuyuuki woshiAfrica, ihe uuyuuki wawo inau mona epukululo opo ya dhimbulule oshini oshiwinyi noshaa shi shopaKalunga melandulathano lyoondjokana dhawo. Peha lyokupukululwa omapuko gawo oya lombwelwa owala kutya uupagani, naa ethe ashihe.

Palandulathano lyoshiluudhe omukiintu nge ta kongwa komulumentu ohashi zi kezimino lyaakuluntu, uuna ya tseyo onakuziwa yomulumentu nenge omukiintu a kongwa okuza kaakuluntu yawo. Omuti omutoye okiiyimati ho tala.

Aagundjuka kaye na okuya moondjokana aakuluntu inaa itseyo, yo inaa hokolola oondjokonona dhawo mpo ya zile. Omukiintu sho ta yi moondjokana oha lalekwa kuyina niitya ya pama ongota lalekwa komusita kongashingeyi.

Unene ota tsu omuthindo mpoka kutya kotokela elaka, aalumentu ihaa tukwa nenge ihaa yamukulwa. Elaka oli na omayego li vule omwele, otali vulu okutaandelitha nehengo. Mpaka oya tsu kumwe nOmbimbeli sho tayi ti; "The SHAASHOKA TA SHI ZI MOKANA OTASHI ZI KOMWENYO NOTASHI NYATEKE OMUNTU." Mat.15:18.

Oya li ye hole ombili nesimanekathano lyashili lyopaKalunga, nonando inaye yi fatululilwa nokonima oye yi ekelehi sho taku tiwa uupagani aniwa. Omulumentu oha lalekwa nekuya kuhe opo a ka tule omukiintu gwe megumbo lya hotwa nawa lya kewa kekuya ndyoka a lalekwa nalyo kaakuluntu ye.

Mokukonakona omaukwatya giitenya yawo manga inaa ya moondjokana, oya li ya tila oyana yaa ka yonwe nenge ya yone aana yaantu sho i-

naaye ya tekulila oshili, iilonga, evuliko, nesimaneko.

Ondjokana ya tya ngeyi oya li yu udha elago, ombili, edhidhimiko, nedhimitanathano. Oyo oya li yu udha enyanyu. Pangame ote ti oyo nce ya yambekwa ndjo. Ombimbeli otayi ti; "Kaleni aluhe mwa nyanyukwa mOmuwa." Filip.4:4. Enyanyu ndyoka lya li lya holoka maahokanathani mbeyaka kalya li ando lyopakutseya ukriste, ihe olyopakuputukila moshili, mesimaneko, nometilo.

Nando ongawo Satana oha dhenge mpoka pwa kola omo wo a li moondjokana dha tya ngaaka. Shika okwe shi ningi oshoka mudho omu na oshili nuuyuuki. Okwa yi mo ngini mbela? Aayamba aanenentu, nomalenga oya kwatwa kokahalu konyama okuhokana aakiintu ooyaali sigo yatano.

Shika kasha li omuthigululwakalo ngashi oyendji taye shi popi, ihe ombepo ye etelwe kuuyamba nokuunenentu. Ombimbeli otayi shi koleke wo kutya: OSHIDHIGU OMUYA-

Tala kep. 8

## Esiku lyaCassinga

Dha za kep. 4

Israel opo dhi mu tungile ondhila yiita yoshinanena. Ayihe mbyoka oya ningwa pondje yoveta yondjindikila yiilwitho ku SA yOraata yegameno ya UN, yomumvo 1977

Onakuyiwa yaNamibia ngaashingeyi oyini?

Emanguluko ndyoka lya tegelelwa ethimbo ele koshigwana shaNamibia, olya kwatwa moshipala kiinima oyindji yu ulikwa pombanda niikwawo inayyi tumbulwa, unene momapangelo giilongo itano yuuninginino.

South Africa nando a tala kutya itashi piti we, opo Namibia e li ninge oprofensi ye ontintano, natango tuu onkene ta kondjo a langeke epangelo mOvenduka ndyoka tali kala hali longo mewiliko lye nopamulandu gwomavigumbo.

Mupyamunene SA oku na uupyakadhi wokumona aantu taa opalele, ye shi okukwatha oshigwana noku shi taambitha ko uupapeta. Omahangano ogendji oga totwa pethimbo ndika nelalakano ga yoge uuluwi woshigwana opo shi gwanenwe ashike komulandu ngoka gu fi po, nonando otagu ehameke nogwa puka. Mushika SA ota ka dopa, ngele oshigwana tashi landula oshinkoti shomapenda ngoka ga si ga tinda uukoloni nomaheko gawo.

Ishewe kombinga onkwawo, SA iita otayi ende tayi mu dhigupalele paimaliwa nopakwiita. Edheulo lye aaluudhe ya kondje pamwe naye, oshi na ondunge yokufupipika eso lyaatiligane, ndyoka itaali taambwa ko nuupu kaavali yawo. Naashika okwa talwa kutya ite ke shi yanda aluhe.

Oongeleki ndhoka dha kala ethimbo alihe mondambo yepopilo lyuuthemba womuntu, noyekondjelomanguluko pamwe naayehe ye hole ombili nuuyuuki, otayi tsikile natango noshinakugwanithwa shayo sigo Namibia lya manguluka, kape na mbudhi otaku endwa nondjila yaCassinga.

(NCCT)



Ovanyasha navo okwa li va mona omhito yokutya sha meongalelo eli leilikano. Apa omunafikola Frans ota popifa oshivilo ta indile ovawiliki vehongo novatekuli aveshe va ha landule va li eeveta di he na ouyuki, nova yandje omhito kovanyasha va holole yo omadiladilo avo ongovatungi vonakwiwa

# AATEOLOGI 16 YOMOSEMINALI YUUKU-MWE MUPAULINUM, OYA TAAMBA OONZAPO DHAWO

Oseminali yuuteologi ya hangana oya gandja oonzapo kaagundjuka 16 sho ya mana eilongo lyawo mosikola ndjoka yaPaulinum pehulilo lyomumvo 1987. Aalongwa 10 yomuyo oya mona ooDiploma mumboka yahamano ya zile ku ELCIN. Omutiheyali ngoka a kala awike omukiintu mongundu ndjoka ina adhika po koshituthi shoka, sho e li ngashingeyi ketsikilo lye kuAmerika. Oshituthi osha li ko 17.4.1988.

Aavali yaalongwa mboka ya mwene ompito yokuthika naakulukadhi yawo, osho iilyo yegongalo lyaTjimbingwe, oya li taa ligamene nomeho taga adhima sho ya tala oondjatha oonduudhe dhopaAkademi, tadhi yalala nosaala sho aamentu taa ka taamba uugala wawo wokomitse noonzapo miikaha yaalongi yawo.

Omukuluntu gwOseminali ndjoka, omusita Zedekiah Muyolo, okwa adhika a kumagidha aagundjuka mbaka ya mana eilongo noya ningi omasiku neidheulo momagongalo a ti ngeyi:

“Oonkatu ndhika odha gandjwa pethimbo oshigwana tashi si sha fa oondhi, eipumomumwe lyepangelo nOngeleki tali koko, naantu taa hepa shi vule nale.”

Omusita Muyolo, okwa gwedha ko ngeyi, kutya moshigwana tamu ka longa musho, aantu ye vule 80,000 oya dhipagwa nale koshi yepangelo lyAandowishi, 11 oya sile 1959, ye vule 700 oya sila muCassinga 1978 na 27 oya sile metopo



Omusita Emma Muyolo ta zaleke omulongwa egala lyoDiploma


hala okwiilonga uuteologi mOseminali ndjika,” osho omusita Shanghala a popitha aalongwa peha lyEwilikongundu lyosikola ndjoka. Naye wo mokudhimbulukitha aanashilonga mboka aape ehala lyawo miilonga taye ke yi tameka, okwa tsikile ngeyi:

“Uunona otau sile momake gooyina, omahepeko gOngeleki yaa na ondjo otaga ningwa, omatopo gooboma ngaashi ndjoka yomOshakati mwa hulithile omukulukadhi gwandje, omadhengo gaakwashigwana pwaa na ondjoolola, mbika oyo iinima ya ningitha onkalo muumbangalantu woshilongo yi kale ya fa ya sa. Omwi ilongekidha tuu okulonga monkalo ya tya ngeyi?”

Elelongeleki lya ELCIN olya adhika lya tseyitha ethimbo lyoshituthi sheyapulo lyaasita aagundjuka 11, mboka ya mana eilongo lyawo pehulilo lyomumvogu, kutya otali ka kala ko muJuni, mOniipa.

Ishewe aagundjuka aape 12, okuza mu ELCIN, oya ka tameka eilongo lyawo kOseminali ndjoka nuumvo. Gumwe gwawo omukiintu.

## Sebulon Ekandjo



## Oshilalo shiita moshigwana otashi leshwa ngashingeyi moyendji

“Amushanga (gwoshifo), Onda kala nda yuulukwa tu monathane, ope na ngaa uunima owindji wa ningwa komudhingoloko gwetu, ando tu monathane owala nethimbo lya gwana,” osho Amushanga gwOmukwetu a tsakanekela esiku limwe omukundaneki gumwe gwilfo.

Konima yomasiku gamwe onde ya molukanda lwoondunda oontokele, moRuacana. Osha li natango pokati komutenya, okalukanda akehe oka mwena tuu nye, aakalimo ota monika ashike mpaka naamepyaka ya andalala omutenya muunzile womiti nowihwa mbyoka ya gumbakana momudhingoloko ngoka

“Ila mo tate, oshipundi ooshi, tate ote ya ngashingeyi,” okakadhona komimvo 13 lwaampo hoka ke ya okutsakaneka aayenda keelo taka popi.

Egumbo olya li naana pamuhingo gwoondjugo ndhoka tadhi adhika konyala momalukanda agehe momavigumbo gaaluudhe, pathaneko lyaOdendaal, muNamibia. Omala goondjugo ndhoka oiwindji oge na ngaa llonga yopaali, omutenya okuyakula aayenda, nuusiku okulangeka unene aanegumbo ya gwane.

Mbalambala omusamane okwe ya te endeke komampango, ngoka a tameke oku ga longitha konima yomimvo dhimwe dha piti molwoshiponga shoshihauto. Inatu ya kokule nodhomuhalekathano, okwa pandula ketsakaneno ndyoka e li hiya konima yomasiku omashonalela. Omusamane gwewi lya kola noshipala shomagony nomilungu tadhi ime-meha olupita.

Okwa kutha opena ye ta mbambala poshitaafula ye ta popi pevi: “Tala tate ondi na oshiningwanima sheti 19.12 86 moka omumwameme Saarti Namusaala yaShilongo, a sile miita, a dhipagwa uusiku kuwalye. Sigo onena ombila ye oyi li pegumbo lye mpoka a dhipagelwa, pOnkunga mUukwaluudhi, ihe shono hasho ndi na unene nasho.

Nakusa nguka oku na oluvalo oiwindji, lwa halakana nuuyuni notashi opala ngele to taamba onkunda ndjika nando ya ningi esiku. Pauyelele wa zi momapulapulo, nakusa omukwanegongalo lyaTshandi, nando ina fumvikwa momawendo gaTshandi omolwonkalo ya li ya kilikita.

Okwa hulitha mepipi lyomimvo 62, a thigi ko oyana 10 naatekulu yaheyali. Omugandjinkundana omusamane M.D.D.Halshonga, okwa longa ethimbo ele megongalo lyaTshandi pamwe nomukulukadhi gwe ngoka omudiakoni. Ngashingeyi oya langekwa megongalo lyaRuacana.



Ongeleki yaanasikola momuhandjo gwOseminali yuusita muPaulinum

lyoboma 19.2.1988 mOshakati. Ayihe mbika otayi ulike kutya eyakulo lyeni itali ka kala etyapulo lyonkalamwenyo, ihe eiyambo, okukala pamwe naathiminikwa.”

Oshituthi shoka oshitiheyali payalulo lyosikola ndjoka, osha kalwa komuprofesoli Stella Baviera, gwokuSouth Africa, ngoka a fatulula oshikalimo sheputudho niyimati yalyo yokumangulula omuntu aguhe, ombepo nolutu.

Omwa li wo omuwilikingeleki omumbisofi Hendrik Frederik neefolo lye; omutonatelishitayingeleki shUuninginino, Josafat Shanghala, omudhiginini gwiiniwe ya ELCIN, Julius Mtu- leni, noshō tuu.

“Oku mu lombwela oshili, ompito ngaashi ndjika oyo etegameno ewanawa kOngeleki dhetu opo dhi tule iimaliwa yadho, ethimbo noonkondo dhadho maagundjuka mboka ya

“Ando okatokolitho kligwanahangano 435 oka tulilwe miilonga nale, ando iimaliwa mbyoka tayi longithwa miita yomuNamibia, otayi longithwa mokutungitha oongulu dhosikola muumbangalantu wa-Namibia moka mu na aanona oyendjiyendji taa longelwa momatsali nomuapeleki u na uupyu nothina,” osho omusamane Frans Aupa Indongo a tumbulile omasiku ga ziko.

Omusamane Aupa okwa li ta popi ngeyi pethimbo lyoshituthi shokugandja po etungo lyositola ye yotango li ninga oshitopolwa shosikola yaKatana, ndjoka yi li metonatele lyongeleki yaKatolika. Oshituthi shika osha ningilwe eti 22/4/88 mOkatana.

Omusamane Indongo okwa tsikile ta ti kutya iita yomoshilongo shetu kayi shi yoshili nokayi na uuyuku, ihe oyo iita “yondhino notayi tsikile ngeyi omlwokwiihola mwene.”

Omunangeshefa nguka a simana nokwa li ta tangwa koyendji pethimbo lyoshituthi shiyaka omolwomakwatho he gandja, okwa li wo a kumagidha aalongwa mboka taa ka longelwa metungo lye nayalwe ya li po, kutya oye na okudhiginina neilongo lyawo.

“Oshilongo shetu ngele osha manguluka, itatu ka laleni, ihe otu na oku ke shi tunga. Ngele itatu ilongo oshilongo otatu ke shi tunga nashike? Iipundi iinenenene noya simana otatu ke yi kuthweni kuyalwe, ngele itatu ilongo twa mana mo,” osho Aupa a li a londodha aalongwa mbeyaka.

Omusamane Indongo okwa shilipaleke wo aapulakeni ye kutya omapopyo ga holokele miifo moomwedhi dha zi ko, kutya okwa hala

## Okamba tango, aanona ya tameke: Aavali mOmbalantu ya ti

Oshigongi shaavali yaanona haa sikola mOseko yaUtapi, 20.4.1988, osha pelwe omatompelo 12 kaalongi haa longo mosikola ndjoka, kutya omolwashike aanona ya thigi po ootundi eti 14.4.1988 momuhandjo ngoka.

Miitsa mbyoka omulongo niyali, omwa kwatelelwa okanona Monika yaNoa hoka ka yahelwe okusa momuhandjo ngoka 1980, nokakwawo ka yahwa mompadhi 1981, osho wo omagumbo gaalongi ga dhengwa kiikuti muMai 1985.

Omwa tumbulwa omayonagulo ogendji ga ningwa mosikola ndjoka komakakunya momimvo adhihe dha landula ko, pamwe nomaluhodhi kaanasikola nokaalongi momuhandjo mwa kwatelelwa omagumbo gaali gaalongi ngoka ga tulwa mokamba ndjoka, sigo eyonagulo lyomatungo gosikola eti 14.4.1988.

Aavali oya pulakene nonkumwe onene oomwenyo dhoyana nkene dha kala moshiponga ethimbo ele noya tsu kumwe yi indile okamba ndjoka yi tembuke po ashike opo uunona wawo u tsikile eilongo nombili.

MUukwanyama, moshikandjo oshitiheyali, opwa kundanwa oosikola dhimwe dhongula nadho dha hulitha po ootundi dhadho, omolweuivitopamwe nosikola yaPonhofi, ndjoka nayo ya pata nale pehulilo lyoshikako shotango omolwokamba yomakakunya pooha dhayo. Omukwetu ina tseyi manga oosikola ngapi dha ningi ngawo, nomutaleli omusamane T.Ndevaetela ina monika pethimbo lyelongekidho lyoshinyolwa shika.

Sebulon Ekandjo.

## IITA YOMUNAMIBIA OYONDHINO NOTAYI MANA PO IIMALIWA YOKUTUNGITHA OOSIKOLA ——— Aupa a ti



Omusamane Aupa Indongo, ta popi pethimbo lyokatuthi kegandjo lyetungo lye kaanasikola

okutota po ongundu ye yopolotika nosho wo kutya okwa ka tsakaneeke Omundowishi Strauss kOvenduka, kage shi goshili.

Aapopi yalwe oya li wo ya popitha aayenda yoshituthi shiyaka. Omukuluntusikola gwaKatana SP omusamane Mauritius, Niipare okwa holola olupandu lwe sho aanona 135 yomoongundu ndatu dhostanda ombali, ngashingeyi ye na oongulu dha andjuka nawa moka

taa longelwa.

“Omathimbo ga piti otwa li tu na oluhepo olunene, oshoka uunona wetu owa li hau longelwa muupeleki moka mu na othina nuupyu mboka wa zitha oyendji yomuyo omukota omathimbo nomathimbo,” osho omukuluntusikola a tumbula uudha enyanyu omolwomatungo ngoka ya pewa komusamane Indongo.



Ehanagulo lyomakende gosikola yOseko yaUtapi methano ndika, olyeti 11.4. nuumvo. Ta thikama pooha dhomakende mpoka omukuluntusikola ndjoka, omusamane J.Mbandeka

# ELONGELOKALUNGA LOUKONGINDJILA MOSHAATOTWA.

Ovakongindjilakadona, eenhetango novaendindjila vomoshitopolwa shOwambo, ova li va ongala ongula Osoondaha yeti- 17.4.1988 mOshaatotwa mOnandjokwe, okuninga elongelokalunga lavo loukumwe nolokomudo. Elongelokalunga eli ola li yoo la kalwa kovakwashiwana vamwe nokookaume kovakongindjila va dja keembinga adishe dOwambo.

Ehangano eli loukongindjila ola totwa komushamane Lord Baden Pawell, Omwiingilisha momumvo 1907 nola tandavela mounyuni aushe fiyo la fika koumbuwanhu waAfrika momudo 1910. Ehangano eli oli na paife oilyo i fike peemiliona 8,5 moilongo 120 yomounyuni aushe. Ashike oku na vamwe tava ti oilyo yehangano eli otai hapupala neendelelo fiyo tai hange nokuli eemiliona 17,5 moule weedula nhano tadi landula.

Elongelokalunga olo la li koshi yoshipalanyolo shomudo ou: "Ano inamu ekelahi einekelo lyeni li na ondjambi onene, Hebr. 10:35," ola kalwa kovawiliki vavali vokoumbuwanhu waAfrika, Heather Brandon omukulunhuwiliki wehangano naElke Kraft omukulunhuwiliki woshikandjo. Brandon okwa kumika ovakongindjila vakwawo, kutya itava ende ovo aveke, ndele ove li medimo linene olo li na ombili, ohole mokweenda mekwatafano lomake nomake.

"Ohandi pandula unene oshitai sheni shOwambo nonande oshi li moupyakadi, etango ngee la ningine ihamu inyenge vali, ashike oipala yeni otayi holola natango elimemesho," osho Kraft a pandula ovakongindjila vakwawo nookaume avesho.

Ehangano lovakongindjila ola totwa eti 22.2.1966 mOwambo nola kala mewiliko lame-me Raija Salmi oule weedula omilongo mbali nambali Pefimbo lopaife meme Ester Nashima oye omuwiliki mupe wovakongindjila moshitopolwa shOwambo noKavango omanga meme Raija omuwiliki wopedu.

Omaimbilo okupandula Kalunga okwa li taa udika momakanya ovakwashiwo avesho mOshaatotwa efiku olo. Oshivilo shelongelokalunga osha xula netopolelafano louleke omolwokudimbuluka efiku ledalo lomuwiliki wavo meme Raija Salmi mokuwanifa omido 52.

Thomas Nghitukwa

Dha za kep. 5

MBA OKUYA MOSHILONGO SHEGU, LU." (Mark.10:23-25).

Aantu ya tya ngeyi oya li ya vulu aakiintu yawo oonkondo nomadhiladhilo moku ya guna opo ye ya zimine ya kale ya hokanwa ooyaali sigo yane. Aahokanwa mboka ohaa ithanwa ihe aakiintu yopoha nenge aakwathi yomukulukadhi gwopelugo. Ngiini nee? Wa mono kutya aantu kaye na oshitopolwa mondjokana, ihe oya paagekwa mo owala. Ano aakiintu ya tya ngawo oyo aahondeli yowala kaye shi aahokanwa.

Aakuluntu wo ohaa shi hokolola kutya omulumentu nenge omukiintu u na aalumentu nenge aakiintu oyendji ehulilo lyoye otali ka kala owala owalelela. Mpoka to dhimbulula kutya aantu mbaka kaye shi aahokanwalela, ihe aahondeli, opo mpoka kutya uudhigu kehe tau holoka megumbo, tango otau hololelwa omukulukadhi gwopelugo, iiholekwa ayihe yomulumentu oye e yi shi, kayi shiwiike kwaambeyaka yoponto, nayo wo yo yene oye na okupula omauthemba komukulukadhi gwopelugo.

Satana nando okwa li a kondjo ngeyi shoka sha li sha dhama moondjokana dhaantu mbeyaka osho shoka kutya muyo omwa li ohapu yoshili ye yi putudhilwa notayi tsu kumwe nohapu ndjoka tayi ti: "Ngoye waaye mu henge po omasiku omawanawa nomawinayi."

Nonando inaye yi tseyithilwa oya li ngaa haa lombwelwa kutya, aakiintu ihaa hengana shila oyo taa hengwa. Moohapu dha tya ngawo omwa li nomu na oshili, ndjoka tayi holoka moondjokana dhAawambo aakulu kutya oya li yu udha ohole, eidhidhimiko, esimanekathano nedhiminathanopo. Oondjokana dha tya ngawo kadha li hadhi teka muupu, oshoka mudho omwa li mu udha omayambeko ga zilile mokuwulika, noya li yi itaala shili kutya otashi ya kwatha.

Aahokanathani mbaka oya li haa longo iilonga yawo momagumbo yaa na omanyenyetelathano, oshoka oya ngongoshekwa nawa mokuputuka kwawo nkene taa vulu okuhenuka uuwinayi kehe. Oya li haa hungile pamwe notaa longo iilonga yawo nenyanyu nokulonga wo oyana shoka ye shi putudhililwe kaakuluntu yawo.

Konena eputudho ndika olya talika ko uulunde nuukoloni maanona Aawambo. Aagundjuka inaa hala okupukululwa kaakulutu yawo aniwa oshikulu shonale, sho osha ninka ompagani.

Otaa hokanathana yo nani ayehe oontoka. Ohashi ki imonikila owala mondjokana, shaashi "Omugongo omuposi okekuya". "Omahaalombwelwa no yi nonyata paantu." Omalaka omawinayi nomakukutu otaga piti mwa kwatelelwa oonakuvala. Shika osho ethingo. Simaneka ho nanyoko opo u kale nelago nomwenyo omule kevi, we shi nuka.

Kalunga okwe ku ethele ihe iitomo u lye iyimati yoye, osho wa indile shoka. Shaashoka tamu shi indile medhina lyandje otandi shi mu pe. Uuwinayi ngele owo tamu indile kuKalunga mwa mana mo owo ngaa te mu pitikile opo mu dhimbulule iilonga yeni nkene ya tya koshipala she.

Ehumokomeho lyoshiEuropa nondjokana yalvo

Tala kep. 9

## Ohandi tale Omwene eshi ta ningile nge, meme Lusia ta ti

Meme Lusia Mulombo (39) osho a laleke ombelewa yOmukwetu manga ta tooala okandjato ke kopeke a tsikile nondjila ye. Oonkundathana naye odha pula ashike ominute 20. "Ohapu futwa ngahelipi hano?" Osho a pula ye ta kongo efo lyuuranda omilongombali auke mboka a kala ta hadha pokati kuukalata wiigandjwa nokamutse ke kepangelo.

Oshipala osha li tashi monika sha vulwa nomeho ga loloka. Olutu aluhe olwa nkundipala nokwa nika mombepe ye yuupyakadhi. "Onda ningi efiku moshipangelo nda kalela okaana kange oko ka lika keyoka," osho a fatulula ngeyi omolwashiike e li ookilometa konyala 100 negumbo lye.


Omusamane gwe kegumbo Johannes Nande (39), ine mu thiga ko, onkene ya popile naye lwahugunina manga taa lalekathana sho ta londekwa momakaspeli gokufuta konima yoomwedhi ndatu, sigo onena ina uva aniwa, kutya oku li peni. "Ndele oshiima osho ihashi kofifa nge tuu nande," a kala ta ngungutula ye ta talele momakende gombelewa omakaspeli ngoka taga matuka kopate.

Aakiintu oyendji moshigwana shika, otaa iyadha naanaa monkalo yoludhi ndoka, yaa shi aasamane yawo mpoka ye li. The olye ta popi nayo, kehe gumwe oku li muuwike we nuupyakadhi we. Osha pendula mungame ompumbwe onene yokomitiye yoonkwatwa moshigwana shika okukwatha oonkwatwa osho wo aakwazimo. Otayi hiywa kulye?

Omusamane Nande oye mwene gwomukunda Ombaba megongalo Epembe, muuzilo lela wOndonga. Eti 18.1.1988 lwopotundi 11 nenge 12 yomutenya, meme Lusia okwa mona omakaspeli gatano ge ya pegumbo lyawo e taga kutha po omusamane sho ga kala tage mu pulapula tango ngele oha kala na SWAPO.

Aakulukadhi ye yaali naanona 12 opo ye mu ihula mpoka sigo onena. Euvitohenda lyandje kehokololo lyameme Lusia kalya li tali vulu okuyamukula omapulo ge agehe nkene e na okukonga omusamane gwe. Ashike ina za po a kanitha omukumo aguhe.

"Eshi wa lombwela nge, handiya ndi ka tale ngehe Kalunga ta kwafa nge musho," osho a laleke Omukwetu ye



Meme Lusia Mulombo pethimbo a talele po ombelewa yOmukwetu

ta hwele efo lye lyooranda R20,00 e dhi shune mokandjato a taalele nadho onkalo ondhibu noyomasiku ogendji.

Amushanga gwOmukwetu

## EPUKULULO



Moshifo sha zi ko otwa li twa hala okutseyitha nakusa lyaloo Nd. Shikongo, methano ndika, kutya ke shi gwokOmundaungilo ngaashi sha li sha tseyithwa mOmukwetu No. 5/88 ep. 9, ihe ogwokOmutundungu, Okalongo.

Amushanga gwOmukwetu

## ETUMWALAKA KOSHIGWANA

*Shigwana oshiholike tonata! S.A. na pangulilwe shoka e shi ningi mOmbaanga yaShakati. Tse o-twa itaala kutya S.A. oye e shi ningi nando ni ipatane shi thike peni? Ohi itaale ngaa sha? Uunake S.A. i itaala iilonga ye iwinayi he yi ningile Aaluudhe?*

*S.A. uuna Tate Kalunga te tu mangulula, otatu ke ku pula aamwameme mboka wa dhipaga mombaanga yaShakati.*

*Otatu indile Kalunga a tonatithe omeho ga S.A. opo a dhimbulule omapuko ge. Ke li moNamibia e tu gamene shili, ihe oku tu hepeke noku tu dhipaga. Hwepo a tute mo omatanga ge muka tse tu mone nduno Swapo sho te tu dhipaga.*

*Aakwetu okatokolitho 435 kiigwanahangano naka ye miilonga nuumo 1988 alikana!*

**Nlita**  
**Northern Namibia**

# ANGOLA OLA NINGA ONHELE IWA YOKU- LOLA EENGHONO DOMAUTA

**Omudo 1975 SA omo a ya lwotete moshilongo osho paife cedula 13. Oita ya SA naAngola otai kondjo monguvi (inai shainwa.) Yo otai kondjo pondje yeengaba nopondje yehalo loshiwana osho taku ti otashi kondjelwa (inashi pulwa sha.) Ovatilityane nOvalaule otava kwatelwa moita oyo.**

Ooxe nooina luhapu ihava lombwelwa sha komalwoodi taa kondjo moita oyo. Oshilongo ngaashi SA koo haku tiwa ngoo oshi na oudemokoli meyandjo lasho lomauyelele.

Nande omapulo kombinga yoita oyo haa udika apa naapenya, fiyo opaapa inaku ningwa eemhata moshiwana di na sha noita oyo tai kondjo pondje yongaba muAngola. Efyo lOvatilityane moita oyo oli li pedu natango.

Omolwovatilityane va tilifwa oukomunisi, osha pondolwa okushunifa Ovakuba monima.

Fiyo opaapa eepaati adishe tadi kondjo muAngola odi udite nawa kwaasho tashi ningwa po moita. Kombinga ya SA oita oyo okulwete lela iwa, shi dulife ngeno ta yandje emanguluko kuNamibia.

Epangelo laBotha inali hala okutala SWAPO e li koshipundi mOvenduka. Ye Angola okwa finikwa yo a ha shunife Ovakuba keumbo, fimbo SA e li popepi. Sho vali ofimbo Ovacuba ve li muAngola, SA ina hala nokuli taku popiwa emanguluko laNamibia, nande epulo olo ola etelwe po tete kuAmerika.

Shikwao SA okwa hala ngeno a kelele SWAPO a ha tauluke ongaba yaAngola e uye muNamibia. Osho sha undula SA a ye fiyo omoshituku-

lwa shoumbuwanhu waAngola, opo shi djuupaleke ngeno oilonga ya SWAPO yopakwaita nyopapolitika i he linyenge muNamibia.

Ashike Angola ku SA ola ninga onhele iwa okulola oilwifo yaye ei ta hambula. Ofabulika yoilwifo ya SA oya ninga odjo ya kula yoiyemo yeeranda eebilyona 1.8 komudo. Omahangano konyala 500 mounyuni okwa endjelela paife kofabulika ei Krygkor.

Epangelo la MPLA okulwifa SA oshe li etela efimano momesho oilongo ihapu mounyuni oyo ya li inai hala okuvalula epangelo laye, eshi vati inali dja mehoololo. Shikwao epangelo olo ohali mono ngoo shihapu momahooli alo okufuta Rusia ou te li pe oilwifo nomatanga Ovacuba. Panghedi ei MPLA ita tambula ko nande epangelo laSavimbi va tukulilafane olukalwa lwe-pangelo.

KuAmerika naRusia, Angola onhele iwa yomalelelo oilwifo. Osho sha yandjifa Amerika oilwifo yeeStinger kuUnita, osheshi okwa kala nonale te likeshole chapupalifo laRusia loilwifo muAfrika. Kombinga yaRusia naye ota tale Angola oshilongo shiwa okuulika orevolusi yasho okukondjifa Amerika, ou ta kwafafana na SA.

Vamwe otave shi tale yo ngaha, kutya Rusia eshi ta ende kanini moita oyo, osheshi a tala kutya otashi yandja omhito iwa opo SA a ningilwe kounyuni ondjidikila yoipindi, notashi ka kwafela yo nongudukondjelimanguluko mu SA, African National Congress (ANC) ei tai kondjo paife moilonga yayo.

Ehokololo otali ti kutya eedula mbali, nhatu da

**Tala kep. 10**

## OONDJOKANA DHONALE NONGASHINGEYI

### Dha za kep. 8

ndjoka oyo twa landula olya eta evundakano, okwaaha vulika nokwaanesimaneko moshigwana shetu. Ihe kotoka ngoye ngoka u shi lwete opo waa ka thikile mokana kongandu efundja nge tali ke ku adha. Aagundjuka yetu inaa yoolola we olulyo nolumoho, oshoka inaa hungila, nonando Aayeuropa yakwetu oye shi shoka taa ningi, oshoka oshopashigwana shawo.

Aakiintu vulikeni kaalumentu yeni, ndika olyo elombwelo nenge ompango yoshigwana shetu noyaKalunga wo. Aalumentu holeni aakiintu yeni paku ya longela uuwanawa noku ya hokana oogumwe awike ngashi osho shi li ehala lyaKalunga kutseni. Moku shi ninga otamu galula elandulthano ekulu lyootate nomalualo geni otaga ka tyapula uuwanawa wiyimati yoshiAfrica ngashi nane wo mwe shi mwene kaakuluntu yeni.

Tu taleni ashike kutya oshike naanaa itaashi tsu kumwe nehala lyaKalunga moondjokana dhetu, oshoka mudho omu na nale sha shuukriste nokuli shi vultithe mundjoka ya pula iimaliwa oyindji yomayuvi nokuli, mo mwaa na oshili nuuyuki washa.

Agundjuka tu taambeni omapukululo gaakuluntu yetu, unene tuu oomeme pukululeni aana yeni aakadhona ngaashi osho shi li

Oshiwambo, haku ya landela owala ooDepo noku ya tanga kutya aawanawa, sigo ohuginina yawo ya ningi eyeme kune nokuyo. Ndhindhilika; Uuntsa otawo landulwa kepunduko."

Omulukuntu etungwa lya siikila ombepo, onkene muye oshigwana shetu osha li oshinelago pamikalo dhasho nopaukriste washo. Uukriste wa thigululwa palwe nenge tu tye wa yamwa palwe, owo epiyagano lyowala. Pangaye ote ti uulunde, notau piyaganeke onakuyiwa yomuntu gwoludhi lwi ili, unene momavi omakolonyekwa, moka shoka taa landula ooshoka owala taa pewa, ihe haashoka yi itaala musho kutya oshili.

Omulumentu omunandunge oye ngoka ta taamba omapukululo gaakuluntu ye noku ya pukulula wo mpoka tashi vulika, ihe haku ya pangela nenge oku ya kotokela, ye e na okukala nomukiintu gumwe awike. Oye wo a hokiwa kuKalunga.

Huginina, ikoleleleni mukumwe nOmuwa, mu mone omukumoo moonkondo dhe oonene. Etheni okulongitha omatilitho. Dhimbulukweni wo kutya ne amuhe omu na Omuwa gumwe awike megulu, ngoka ta ningile aantu ayeche shi thike pamwe.

**Shikukumwa I.Haipinge**

## Okahalu kokulola iilwiitho inaka hula

### Dha za kep. 9

pita, Angola okwa kala ta nane noudjuu, omolwondado yomahooli ya shuna pedu. Eshi paife osha pwa po. Omudo wa dja ko (1987) Rusia okwa tokola a hanyeke oita opo eenghunda-fana di ulumikwe. Eedila deeMiG neeradar edi da tungwa notadi longifwa paife kuAngola, oda ningifa SA a kale ita dane vali onghandangala momhepo moshilongo shaAngola.

Ngeno Rusia ka kufile onghatu ya tya ngaho, nova amene odoolopa yaMavinga, ngeno Angola ina dula okutunga okapale keedila puMavinga nokuhapupalifa eeradar (omashina okuminikila ovatondi) moitukulwa ihapu yoshilongo, unene kongaba yaNamibia.

Odila yotete ya SA ei ya yashwa mo kodila ikwao muAngola, osha ningilwe muSeptemba 1987. Vati pehovelo, MPLA nOvacuba kakwa li ve udite ko nawa onduge yaRusia moshinima osho. Rusia okwa mona kutya osha nyika oulai ovakwaita vaAngola ngeenge tava ende noihauto eendjila diledile ngaho, va ka shakeneka omutondi.

Ashike kombinga ya SA nako yo okwa longeki-

dwa elongekido linene, eshi moita a eta mo omakanona G5 na G6, inashi teelelwa. Omakanona aa okwa longa pamwe neeStinger daAmerika (eemisile). Ashike onghoo ngoo ovatali vonawa tava ti kutya omalwoodi oneudo inaa endela nawa SA naUnita waye, ngaashi va halele.

Voo ova halele vati va kufe ko Cuito Cuanavale nondjila yolutenda laBengwela oyo ya fimana muAngola. Inave shi mona osheshi oita ashike yomuJanuali, oyo ngoo ye va ulikila kutya mboli otava tu eendjodi domutenya.

Olwoodi laxuuninwa muMaalitsa 1988, okwa li tali kondjifwa kodila Mig-32 tai shingwa kovakwaita vaAngola, apa sha yelele keshe umwe kutya etanga laAngola melongifo leedila kaku na vali, pashifonghundana "The Independent."

Nopefimbo olo laMaalitsa otaku tiwa SA naye okwa li ta kondjo a mana mo nokwe shi pondola ngaho okushitilila, fiyo omokati keekamba da MPLA. Noshala talika ko ngaho kutya otashi dulika SA na Unita va kufe ko ngaho oudoolopa vamwe, ashike ovatali nawa voita oyo, ove shi

lwete, kutya SA ite ke shi difa vali nefindano loita oyo oshinima inashi teelelwa.

Ehepu otali ti oku na paife moumbuwanhu waAngola Eefapula (ovakwaita vaAngola) 10,000 novaCuba 40,000 ovo ve li moshilongo ashishe. Onghe taku tiwa eedila da SA kadi li vali meamenno lasha.

Epulo linene oli li oyo ngeenge SA voo naRusia tava tula po oilwifo yavo va kundafane, ile otava pwakele natango eedula 10 tadi landula ile shi dulife po.

Eindilo loministeli yeameno ya SA, Magnus Malan, leti 4.3.1988, eshi a pula va ye meenghundafana naRusia omolwombili yoshitukulwa eshi, osha ulika yo ngaho, kutya otapu tamekwa okuudiwako omhumbwe yexulife po loita oyo. Ashike aveshe vavali ove li yo ngaho memakelo va diladile natango koilwifo yavo ei inava longifa ve i lole.

Oudwaali 1987, Angola okwa tulile omafaneko atatu poshitaafula, a ningwe tete ku SA fimbo ye (Angola) ina shunifa Ovacuba keumbo. Okwa pula SA a kufe po okatongotongo; a yandje emanguluko laNamibia nokukufe mo ovakwaita vaye aveshe muAngola.

Angola neudo omapulo aa okwe a ninipika. Pashipopiwa shoministeli yotete yaAngola muFebuluali 26, 1988, ina ulika vali kokatongotongo ile kuNamibia, ndelene okwa pula ashike SA a xulife po ekwafelo laye kuUnita, nOvacuba otava shuna keumbo.

Efiminiko lopakwaita la SA osho tali undula Angola ngaha a ninipike omapulo aye. Nokuli oku na ovadiplomati voilongo yopondje ovo va tala kutya Angola okwa hala okumanguluka nokovakwaita va ANC, 4000 ile 5000 tava deulwa muAngola.

Efiminiko olo otali kondjelwa unene kongudu imwe yovakwaita va SA oyo ya ninga paife okukalamwenyo kwayo etileshi lohonde. Vali ope na oumbada wokukondja oita na SWAPO muNamibia.

Movakwaita va SA omu na yo ongudu ikwao oyo ya tala kutya oita oyo tai kondjwa ku SA, oi na unene ondilo nekonomi la SA otali ka pita noudjuu. Angola okwe li longekida okweeta mo omauta mape natango aa taa umbu oshinano shi dulife po pomakanona a SA G5 na G6, aa taa longifa oshinano sheekilometa 25 ile 40 nokuli.

Oshinima shikwao oita ngeenge tai hanyekwa ngaha, otai ka twala yo Ovatilityane vahapu mefyo, oshinima osho inave shi lilongekidila natango. Kombinga yomakakunya malaula nako oku na omalimbililo paife, nghe e na okutwikila, eshi vakwao ve dule 500 va fiile po oita 1987.

Kombinga yaAngola omaxupilo aye okwa wapala paife notaa dulu natango okulongifa oilwifo yoshiRusia novakwaita vaCuba pe he na upyakadi. Oita moumbuwanhu waAfrika otai ka twikila natango.

Oimaliwa ihapu oya longifwa. SA okwa hala a ningwe mwene woumbuwanhu waAfrika - oimaliwa aike neemwenyo dOvatilityane ngee tadi ka pwa po, oyo tai ke mu shunifa monima.

(Omadladilo aa oOmuprofesoli Hermann Giliomee, mouniveesiti yaKaapa, nokwa holoka tete moshifonghundana "Die Suid Afrikaan" April/Mai 1988.)

## MEHOGOLOLO LYAAMERIKA OTAMU ZILE NAMIBIA SHIKE!

Oshigwana oshinene shaNamibia aakondjeli yemanguluko naamboka ye na uumbanda mulyo, otashi ligamene komalunduluko ngoka tashi vulika ga ningwe mepangelo lyaAmerika omolwehogololo lyoshilongo shoka muNovomba tagu ya.



Omuwiliki gwehangano lyuuthemba waAaluudhe muAmerika, omusita Jesse Jackson. Ngashingeyi oti ihogololitha a ningwe omupresidende gwaAmerika

Aanamibia oyendji oya yuulukwa elelo lyongundu ya Reagan, Republican muAmerika li ze ko manga koshipundi pamwe nomulandu gwalyo gokuAfrika ngoka tagu kogeke Aacuba muAngola kemanguluko lyaNamibia.

Iigongi yomaihogololitho muAmerika oya tamaka nale nokuli. Omukalelipo gwetu muAmerika okwe tu ulukile okapilo omaihogololitho ngoka nkene ga tameke ngaashi tashi landula mpaka:

Otatu tala ngaa kutya olye ta ka za mo mehogololo ndyoka lya tegelelwa nuumvo muAmerika. Konyala ayehe mboka ya hala momathigathano itaa etitha unene omukumo, unene tuu mombinga yomukundu gwevi lyaNamibia.

Omuluudhe omukwetu Jesse Jackson (gwongundu yoDemocratic) ngoka e li methigathano, noku uvite ko omukundu gwetu, aatiligane inaa hala a ningwe omuwiwiliki (omupresidende) gwoshilongo shika. Iilumbu oyo owala ya hala yi pangele uuyuni shaampoka. Otayi ningi nokuli ompangela yoku muimba a gwine.

Omatompelo gamwe aniwa omolwashono ha ti "Castro (gwaCuba) na kale nomwenyo omule." Ye ta ti aniwa, Arafa "okuume ke." Mbika na yilwe oyindji, oyo oonkambadhala dhoku muimba muwiliki moshilongo shika.

Yalwe ye li momathigathano sigo opo mpaka, kandi wete mpoka ya gama noshinima shuumbugantu waAfrika, oyo nee ngaashi Bush gwoRepublican ngoka konyala e na omadhiladhilo ga Reagan.

Dukakis gwoDemocratis ngoka taa ningi shanamutango naJackson mongundu ndjoka, naye ite etitha omukumo sigo opo mpaka. Hapo ehogololo oli li kokule natango kuNovomba, otashi vulika natango yalwe ye ke ye methigathano ndika lyuupresidende.

Einekelo lyetu olyo ndika aluhe kutya mewiliko lyoshilongo shika mu ye ngoka e shi okudhiladhila uuntu waantu yokiilongo, osho omupopi-hapu gwetu hwiwaka a hulitha ehokololo lye.

# Ova shangela nge tava ti . . . . .

# Okwa li ta dhiladhila nkene ta kandula po enukomo lyomwenyo

## TU KONGENI OIHO PAENENWA IWA MOILONGO IKWAO

Komapangelo nokovaleli voshiwana shokoumba-ngalanhu waNamibia, apa itandi yambidida ngeno oulunde womahengu ou ndi shii, kutya nao otaw kateke emanguluko laNamibia, navali itandi yandje oushima kwaava hava weda ofuto yomahengu, osheshi nghi shii etomhelo lavo.

Apa ondi na po ashike omapulo nda hala a nyamukulwa koshiwana.

1. Ofuto yomahengu oi li ounyuni aushe, ile omOwambo amuke? Ewedelo lofuto ohali eta ouwa washike nofuto oi na ouwa washike?

2. Sha konekwa tuu nokutya ovadali vamwe ohava tula ovana momapuko aa nonande omona ina hala omolwoshimaliwa?

3. Wa koneka tuu nokutya vahapu hava nyono po ounona wovanhu, eembotjotjo? Vali vahapu efimbo eli ovanhu vahapu kave na oilonga?

Ovapangeli, natu taleni oihopaenenwa kwaavo tava lele oiwana yavo nohole. Eengele dOshiwambo ihadi futwa kwaau a nyona, osho nashi twikile ngaho?

Angula Amutenya  
Ondangwa

## ETOKOLO LA SHAMBULA OVADALI

Omutumba woshilongo shaUkwanyama 19.2.1988 mewiliko lelega Victory owa ninga etokolo, oukadona nge va ningi omadimo va futwe, R800,00. Ovakulukadi novashamane ovo va li moshooangalele omo, ova tameka okukuwilila nokupandula.

Ondi wete nokutya mboli ovakulunhu ohava kala va hafa ounona vavo ngeenge tava ningi omadimo. Onda pwilikina omukulukadi umwe a li omutumba pwaame eshi ta ti; Akutu ounona vetu oukadona eshi tava ka likola oimaliwa ihapu.

Omalenga, konakoneni nawa oshinima eshi, shokutwala oukadona moshiponga omolwoimaliwa. Oshiponga kashi li unene movamati, ndele oshi li mufye oukadona ava hatu ka konga ovamati.

T.L.Abraham  
Eengedjo Sec. School

## OMATOKOLO E HE NA OSHILI

Omalenga aUkwanyama itamu tokola vali paushili. Apa onda diladila unene omalenga oo-Tatekulu Gottlieb Dan, Gabriel Kautwima novaidopimo vavo. Omunhu nande inda ko u na udjuu woye, nde ku fi wopuvo, oto uhala ashike ino pewa nande omhito kutya ila naini opo oshinima shi potokononwe.

Oinima otai ningilwa unene keembuda. Kotokele-ni oikoya yovanhu aveshe paushili waKalunga ou a shita keshe eshi shi li kombada yedu. Oshilongo kashi fi sheni ndele oshaKalunga.

Jackson Kulaumone  
Upington

## MALENGA, IHEPEKELENI OSHIGWANA SHENI

Oshike omalenga ge na iilongo yi na omagumbo ga lyatwa po komakakunya, noonddhalate niigandhi, aantu yago oye li moonddholongo, ihe nokuninga po sha, ihaga ningi sha nande?

Mu ye kompangu, omalenga oge li ashike koondunda dhomalovu. Ge ye mompangu, otaga ningile natango koombunda. Ine mona natango elenga tali pangula mboka haa dhipaga aantu pwa na eompelo lyasha. She mu tiliha ano oshike okwiihepekela oshigwana sheni?

Aanangeshefa oyo ya fa omalenga ngashinegyi, oshoka oyo haa ihepekele nokukonga aantu mboka ya ningilwa iilonga yomuyonena. Aanangeshefa inamu loloka oshigwana sheni. Omalenga ningeni po sha, oshigwana sheni otashi: lili.

Thomas Kambindji  
Oliindili

1 Mai 88 - Omukwathi gwomumbisofi Matti Amadhila okwa popitha egongalo lyaAngilikana muEngilanda.

4 Mai 88 - Esiku lyaCassinga: egalikano lya ningwa moongeleki adhihe dhehangano lyOongeleki (WCC).

1 - 4 Mai 88 - Namibia lya kundathanwa muWashington, Amerika: Omupopi omunene Omumbisofi Desmond Tutu.

7 Mai 88 - Oonkundathana: Cleveland, Ohio Amerika: Omupopi omunene, omumbisofi James Kauluma. Omulungekidhi; ookuume kaNamibia.

Osha li ongula potundi 9.05 momasiku 7.3.1988 oololi dhokufuta (omakaspeli) gaheyali sho ndi wete yimwe tayi piti oshelo oshinene shosikola nookwawo hamano dha landula ko. Oondjembo odha li tadhi yedhwa mombanda nekudhilo lya londa.

Oga thikama pokati komatungo gosikola, omakakunya oga nuka mo taga matuka ga fa taga tidha sha. Mbalambala oga halakana mohostela ayihe. Onda thikama te tala pekende nonda mono kehe posheelo shondjugo yosikola pwa thikama ekakunya, oskola ayihe otayi piyaganwa nayo.

Ohaluka posheelo shongundu yetu pwa egululwa, omwe ya yaali ye na oondjembo. Kekuma okwa li kwa shangwa "Swapo Namibia, Nanso, Swapo will win." Omukwiita gumwe okwa pula okakadhona kamwe komongundu yetu.

"Ou a shanga apa olyelye?"

"Kandi mu shi," osho okakadhona ka yamukula.

"U he mu shi,? Ooo!" Ekakunya tali yi mo lyo tali ya lya uka kungame e tali ka pula ishewe omumati e li konima yandje ngaashi naanaa lya pulile okakadhona.

Olya zi mo e tali yi pondje. Olya galuka ishewe li li nalimwe lyolutu lwowala. Olya thikile owala tali ti:

Ou a shanga apa olyelye? Omulongi weni ile onye? Swapo, Swapo, Namibia ngahelipi? Otamu ti nee onye Ovanamibia moshilongo omu na ashike oku....nokutonga ou a shanga ko oku. Heyi, keelelepo utaa inamu dja nande umwe. Ou ta ningi nayi panyeni ashike.

Oyendji ondi uvite taa fudha omifudho omile, po mpaka pungame ope na okakadhona komuzalo tagu dhekweta nomilungu tadhi hwehwema. Otwa kala ngaa nee twa tegelela oshilanduli twa fa twa yona. Nokonima otwa pula tu ka talaleke, ihe kape na ohenda, otaku tiwa owala Swapo ne tu mangelule mo.

Omwe ya ombulu onde yomugongo gwa tumbalala. Oya tala koshipelende nokekuma hoka kwa li kwa shangwa Swapo e tayi ti:Foko, oya kutha omboma yopeke e tayi hala okuumba. Aantu ayehe oya mbwalakata nayi kuumbanda, po pekende ope na ondjembo tayi hala okutopa, ye eta omutse mongulu.

Aantu otaa ningi ashike omadhewo, ya hala okuya pondje, pondje oondjembo otadhi yedhwa mombanda yo otaa kuu-tumba nokuli.Omakakunya oga li taga sheke Swapo noonkondo nokutukana nayi."Tee otu na okusa ondjala, nomvula itayi loko we." Walye nee kutya ye ota li peni, ye naye omukwashigwana. NaSwapo ngoka ta kongu olye?

Onkugo yepongo oKalunga mwene he yi tondoka, shoka ya li ye na oku shi ninga, inaye shi ninga we. Kakele ashike uumati uyali mboka wu umbwa nondungu yoshikuti (yoholo) e tau dhengwa kusho;owoE.Asser na E.Josafat.

Omugongeli hokololo  
A.B.K. Uushini



## EFYO LOMUTUMWA WOKUNAMIBIA

Omutumwa omupangi Hellin Elomaa, ou a longa efimbo lile moKavango, okwa kundana kutya okwa xulifa paife oweenda waye 15.4.1988 muSoomi. Nakufya Elomaa okwe uile kuNamibia 23.3.1949. Omudo 1951, okwa dike oshihakulilo moMpungu. Okwa fiile po Namibia lwaxuuninwa 25.6.1971. Okwa xulifa moukokele womido 78.

"Ava hava kunu nomahodi, ohava teya va nyaku-kwa. Heeno, moku ka kuna ombuto, otava ende nokulila, ndele mokwaaluka, otava kuwilile nohava humbata oilya yavo. Eps.127:5,6."

# DIMBULLUKA CASSINGA

EFIKU LAKULA MO 1978 ESHI OVAKWAITA VAHAPU VO SWAPO VAFYA OMOLWOILONGA YAVO YOUKULO ETUMMALAKA KUNO OLEU REINDEER OTEKESHININGA VALI NGE OTAVAT-YWIKILE NOILONGA YAVO YOUKULO KONIMA YOCASSINGA SWAPO OKWA KOMBWAPO ONGASHI ETANGA LAHOMATA. OVADIPANA VAYE OVANINGA OVA KEHENANDJO! OSHINIMA OSHO ITASHITAMBULWAKO. ETANGA LEAMENO OTALIKALA NOKUKONGA OIKULO OHATUVADIPAA.

EFIMBO LAVO OLILIPOPEPI

Ndhindhilika: Aadhipagi yoshigwana oye na natango omukumo okwiitanga pamukalo nguka. Oye chameka oshigwana notaye shi chameke natango.Ombapila ndjka oye ekelwahi esiku lyahugunina lyomwedhi gwa yi.

Amushanga gwOmukwetu

Kuku David I.N.Munguli, mOkatale (56) mOlukonda 16.4.1988. Okwa thigi ko he nayina naamwayina yatano.

Sofia Kapundja  
Oseko yaShakati

\*\*\*\*\*

Petrina Namutenya Makili, momukunda Uukwiyuushona, mOndonga 26.12.1987. Okwa thigi ko oyana yatatu nayina naamwayina yatano.

Sofia Kapundja  
Oseko yaShakati

\*\*\*\*\*

Johanna Nelago Paulus (33), momukunda Ihanguti muElim, 1.3.1988 ombaadhilila. Okwa thigi ko uunona uyali, he nayina naamwayina yatano.

Lusia Kantalelo  
Oshakati

\*\*\*\*\*

Otandi gandja omahekeleko kaamwataate aaholike, mboka ya thigwa po kutatekulu Johannes David 15.3.1988, ombaadhilila mOnethika, mOndonga.

Paulus Elieser  
Walvisbaai

# IMBA ISHEWE NGEYI



- |   |  |
|---|--|
| 1 Ndjila ya longekidhwa mpa Mokati komaudhigu nga. Omuntu a teyagulwa, ye Miikaha yOmuwa e li ihe.  | 5 Ndjila ya longwa noya pwa; Nehala ndi na ngame wo Momutima gwaKalunga He Mokati kaana ayehe ye.          |
| 2 Ndjila ya longekidhwa ndjo KOMushiti gwetu noya pwa MuJesus omuuyuni mbu Twa pewa Omumwatate mpa. | 6 Ndjila ya longwa noya pwa; Tji yi lamba, ndi ka longele Yakwetu, ndi ya yakule Nashoka nde shi pewa mpa. |
| 3 Nomomilema ndi na wo Omuwa a ende ndjila ndjo. Apehe ye ote ende mpa Nomwenyo tagu monika.        | 7 Ndjila ya longwa noya pwa; Pehulilo te adha ko Omuntu a gwana ye a pwa Ta hamebelele Omuwa gwe.          |
| 4 Omupuli ite mu tidha po, Omukongi ite mu etha we. Ye mwene uuntu e u shi, Mahepeko giuyuni we.    |  |

Doh = E

.S:d.r	m:-.m:f.m	r:-.S:t,d	r:-.r:m.r	d:-.D:m.f	s:-.m:f .s
.S:s,t	d:d :r.d	t:-.S:s,l	t:t :t,t,s,S	d:r	m:-.d:d .d
.S:s,s	s:s :s,s	s:S :s,s	s:s :s,f	m:M :s,s	s:-.s:te.te
.S:m.r	d:d :t,d	s:S :r,r	s:s :s,s	d:S :m,r	d:-.d:r .m,

l:L:s.f	m:d:m:r	d:-
d:D :m.r	d:d:t:t	d:-
l:L :l:l	s:m:s:f	m:-
f:F :r,r	s,s:s,s	d:-

ONGOWELA: Jouko Piitulainen 1981 Omusoomi v. 1936  
IITYA: Tytti Jäppinen 1981 Omusoomi v. 1949

## Da dja kep. 3


Ano ntene asi ove omusikimo gonoveta zaKarunga nyove da tamba nonkango odo, Rom.9:25-26 kuninka asi wa kara nelikwatasano naKristus munwaKarunga, yeeyi wa lipora koyirugana youzuni (yomundema) ano kwaterera mwayo yaHomba goge makura gopauruke. Yeeyi ava wa lididimika dogoro pehagero, yiwo velike ga ka fira nkenda Karunga mutatugumwe.

Homba gwetu Jesus Kristus amu fire nkenda 2 Kor.13:13.

Leevi Moses  
Nkarapamwe

## Ya dhigininwa natango

- |            |   |
|------------|---|
| 1985       | Amutenya Ashipala, Okatana              |
| 3.4.1987   | Martina Mulondo, Katima Mulilo          |
| 3.7.1987   | Abner Shikesho, Okamule                 |
| 7.10.1987  | Jason Angula, Windhoek                  |
| 26.9.1987  | Edward H. Halpito, Okatana              |
| 14.1.1988  | Ananias Untoni, Othika                  |
| 17.12.1987 | Josef Dumeni, Engela                    |
| 20.1.1988  | Lukas Nghipandulwa, Pophofi Sec. School |
| 19.1.1988  | Daniel Ismael Namwandji, Odibo          |
| 19.1.1988  | Julius Kapuka Okatale, Odibo            |
| 20.1.1988  | Delfina Abraham Okatale, Odibo          |
| 19.1.1988  | Shipandeni Mupolo, Onyaanya             |
| 1988       | Shipanga Shivute Ampole, Uukwaluudhi    |
| 19.1.1988  | Johannes Nekongo,                       |
| 20.1.1988  | Immanuel Shivolo, Okando                |
| 20.1.1988  | Salom Uusiku, Okando                    |
| 21.1.1988  | Ndipala Nghiyalahamba (60) Odibo        |
- 
- |         |  |
|---------|--|
| 18/1/88 | Johannes Nande (39), Ombaba            |
| 18/1/88 | Ndeshaanaya shaKanana, Ombaba          |
| 18/1/88 | Jeremia Nandjebo, Ohaihambonomuyamba   |
| 18/1/88 | Shamena shaNghikungunya, Ombaba yaTimo |
| 18/1/88 | Shuudifonya Haufiku, Omahabi           |
- 
- |            |                                 |
|------------|---------------------------------|
| 26.12.1987 | Silas (Kamule) Kandenge, Okahao |
| 14.1.1988  | Gideon Kampulu, Ogongo          |
| 20.1.1988  | Heikki Shililifa, Nakayale      |
| 19.1.1988  | Jason Shikomba, Oshimwaku       |



## OMUKWETU

Oye oshifo shOngeleki Onkwaevangeli paLuther yomuSWA/NAMIBIA.

Ohashi nyanyangidhwa mOshinyanyangidho shOngeleki mOniipa.

Omukuluntu gwoshifo omumbisofi Kleopas Dumeni.

Amushanga gwoshifo omusita Sebulon Ekanjo.

Ondando yOmukwetu muNamibia naSouth Africa R6,00 komumvo.

Palwe muAfrica R10,00 nokombanda yomafuta R14,00 komumvo. Mondhila R17,00.

Oondando nomambesitelo agehe naga tumwe kOmukwetu, Oniipa, P/Bag 2013, Ondangwa, 9000.

ELOC PRINTING PRESS  
PRIVATE BAG 2013, TEL. (06762) 11, TELEX 56-3257 WK  
SWA/NAMIBIA